

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562

No. Fax : 03-8882 5569

HARGA SILING BARU AYAM STANDARD DAN TELUR AYAM UNTUK PASTIKAN NUTRISI DAN KESIHATAN KELUARGA MALAYSIA TERJAMIN

PUTRAJAYA, 1 JULAI 2022 – Menteri Pertanian dan Industri Makanan (MAFI), YB Datuk Seri Ronad Kiandee, telah mengumumkan harga siling baru bagi ayam bulat Standard dan Telur Ayam Gred A, B dan C pada 29 Jun 2022. Harga siling ini berkuatkuasa hari ini untuk tempoh dua bulan dari 1 Julai 2022

2. Harga siling baru bagi Semenanjung untuk ayam standard pada harga RM9.40 sekilogram dan telur ayam Gred A(0.45sen sebiji), Gred B(0.43sen sebiji) dan Gred C(0.41 sen sebiji) bermula 1 Julai 2022 adalah manifestasi keperihatinan Kerajaan untuk membantu mengurangkan bebanan kos sara hidup rakyat semua peringkat di samping mengekalkan tahap nutrisi dan kesihatan keluarga Malaysia untuk mendapatkan sumber protin yang diperlukan.

3. Sehubungan dengan itu, Kerajaan mengumumkan harga siling ayam dan telur ayam bagi Langkawi, Sabah, Sarawak dan Labuan seperti dalam daftar harga yang dilampirkan yang berkuatkuasa 1 Julai 2022 untuk tempoh masa yang sama iaitu dua bulan.

4. Dengan perlaksanaan harga siling baru ini, Kerajaan telah memperuntukkan sejumlah RM369.5 juta menjadikan jumlah keseluruhan

subsidi pukal untuk ayam dan telur adalah sebanyak RM1.1 bilion sejak 5 Februari 2022.

4. Keputusan Jemaah Menteri menetapkan harga siling dan subsidi pukal bagi ayam dan telur dibuat dengan teliti demi kebaikan dan kesejahteraan semua peringkat rakyat Malaysia termasuk penternak, pembekal, peruncit dan pengguna terutama golongan B40 dan M40 dalam menghadapi masa sukar peningkatan kadar inflasi seluruh dunia yang turut melanda negara kita.

5. KPDNHEP akan meneruskan tradisinya meningkatkan keberkesanan penguatkuasaan dengan menggerakkan semua Pegawai Penguat Kuasa KPDNHEP seramai 2,200 di seluruh negara bagi memastikan bekalan mencukupi di mana penternak, pemborong dan peruncit mematuhi harga siling baru yang telah ditetapkan di semua peringkat rantaian.

6. OPS ATM (OPS Ayam, Telur Ayam dan Minyak Masak) Fasa 2 akan diteruskan bagi memastikan bekalan ayam, telur dan Minyak Masak sentiasa mencukupi dan stabil di pasaran. Kementerian juga akan melakukan OPS SAMAR di mana pegawai penguatkuasa akan melaksanakan operasi tanpa memakai pakaian seragam dan kenderaan Kementerian serta melakukan ujian pembelian bagi memastikan peniaga patuh kepada patuh kepada undang-undang terutama bekalan, harga dan tanda harga.

7. KPDNHEP yakin tahap pematuhan di peringkat peniaga terutama peruncit akan kekal tinggi seperti pada penetapan harga siling dan harga maksimum sebelum ini. Sehingga 31 Mei 2022, sebanyak 80,179 pemeriksaan telah dijalankan di premis menjual ayam dan telur di mana pematuhan melebihi 99% dengan hanya 121 kes dihasilkan. Dari sudut Akta Kawalan Harga dan Anti-pencatutan (AKHAP) 2011 dan Akta Kawalan Barang (AKB) 1961 pula, sebanyak 846,686 premis telah diperiksa sepanjang tahun 2022 dan pematuhan juga di dapati tinggi melebihi 99% di mana 3,832

kes bersabit dengan AKHAP 2022 dan 615 kes bersabit AKB 1961 telah dihasilkan. Walau bagaimana pun, KPDNHEP tidak akan teragak-agak untuk mengambil tindakan terhadap peniaga yang didapati tidak beretika, atau sengaja melanggar undang-undang atau yang mencatut atau berkomplot secara kartel sejajar dengan punca kuasa yang diberikan kepada KPDNHEP melalui AKHAP 2011, Akta Kawalan Bekalan 1961 dan Akta Persaingan 2010.

8. KPDNHEP akan terus bersama Kerajaan dalam menangani isu kos sara hidup rakyat secara holistik dan tuntas meliputi semua barangan kawalan dan subsidi termasuk minyak masak, petrol, diesel, LPG, tepung dan gula di samping mengekalkan daya-saing negara dalam pengeluaran barangan keperluan yang meliputi upah gaji rakyat, harga input yang diimport dan nilai Ringgit berbanding mata wang asing dunia.

9. Semua Keluarga Malaysia harus sama-sama memahami dan berperanan di masa sukar yang diharap tidak akan berterusan lama. Di samping memastikan peniaga beretika tidak mencatut dan tidak mengganggu pasaran melalui kartel, pengguna juga diharap dapat membantu dengan membuat sedikit perubahan sementara dalam gaya hidup di samping menjadi mata dan telinga dalam mewujudkan ekosistem perniagaan yang sihat.

10. Pengguna adalah lebih dekat dengan peniaga. Justru KPDNHEP berharap pengguna yang menyaksikan salah laku peniaga diminta untuk menyalurkan aduan yang lengkap kepada Kementerian di talian Whatsapp 019-8488000, aplikasi ez-Adu atau email ke e-aduan@kpdnhep.gov.my.

#####

Kementerian Perdagangan Dalam Negeri Dan Hal Ehwal Pengguna
Putrajaya, 1 Julai 2022

#End#



KEMENTERIAN PERDAGANGAN DALAM NEGERI
DAN HAL EHWAL PENGGUNA

PENENTUAN HARGA MAKSIMUM AYAM DAN TELUR AYAM
BERKUAT KUASA 1 JULAI HINGGA 31 OGOS 2022 (62 HARI)

2

 KEMENTERIAN PERDAGANGAN DALAM NEGERI DAN HAL EHWAL PENGGUNA		AYAM HIDUP		AYAM STANDARD <i>(Ayam yang disembelih dan dibersihkan beserta kaki, kepala, hati dan berpedel atau memuat utero bahagiannya)</i>		AYAM SUPER <i>(Ayam yang disembelih dan dibersihkan tanpa kaki, kepala, hati dan berpedel)</i>		TELUR AYAM GRED A <i>(Berat 63.5g-68.5g)</i>			TELUR AYAM GRED B <i>(Berat 60.0g-64.5g)</i>			TELUR AYAM GRED C <i>(Berat 55.0g-59.5g)</i>				
				HARGA RM / KG						HARGA RM / Biji								
				LADANG	BORONG	BORONG	RUNJUT	BORONG	RUNJUT	LADANG	BORONG	RUNJUT	LADANG	BORONG	RUNJUT	LADANG	BORONG	RUNJUT
 SEMANJANG KEDAH- Langkawi		6.00	6.40	8.10	9.40	9.40	10.40	0.41	0.43	0.45	0.39	0.41	0.43	0.37	0.39	0.41		
		6.00	6.90	8.60	9.90	9.90	10.90											
		Kuching, Lundu, Bau, Serian, Simunjan, Samarahan, Asajaya	6.60	6.80	8.60	9.80	9.80	10.80	0.42	0.45	0.47	0.40	0.43	0.45	0.38	0.41	0.43	
		Sri Aman, Saratok, Betong, Lubok Antu	7.10	7.10	9.30	10.50	10.50	11.50	0.42	0.45	0.47	0.40	0.43	0.45	0.38	0.41	0.43	
		Sibu, Kanowit, Selangau	6.60	6.80	8.60	9.80	9.80	10.80	0.42	0.45	0.47	0.40	0.43	0.45	0.38	0.41	0.43	
		Mini, Marudi	6.60	6.80	8.60	9.80	9.80	10.80	0.42	0.45	0.47	0.40	0.43	0.45	0.38	0.41	0.43	
		Bintulu, Tatau, Schaub	6.60	6.80	8.60	9.80	9.80	10.80	0.42	0.45	0.47	0.40	0.43	0.45	0.38	0.41	0.43	
		Kapit, Bukit Mabong, Song, Belaga	6.60	7.90	9.40	11.40	11.40	12.40	0.44	0.46	0.50	0.42	0.44	0.48	0.40	0.42	0.46	
		Sarikel, Julau, Pakan, Meradong	6.60	6.80	8.60	9.80	9.80	10.80	0.43	0.45	0.47	0.41	0.43	0.45	0.39	0.41	0.43	
		Mukah, Dalat, Matu, Daro	6.60	6.80	8.60	9.80	9.80	10.80	0.42	0.45	0.47	0.40	0.43	0.45	0.38	0.41	0.43	
Limbang, Liwas	8.60	8.60	11.70	12.90	12.90	13.90	0.45	0.47	0.49	0.43	0.45	0.47	0.41	0.43	0.45			
SABAH	Pantai Barat Kota Kinabalu, Persampangan, Papar, Putatan, Tuaran, Kota Belud, Ranau, Beaufort, Sipitang, Kuala Penyu, Kudat, Kota Marudu, Pitas, Keningau, Tenom, Tambunan, Nabawan	6.80	6.80	9.80	11.00	11.00	12.00	0.46	0.48	0.50	0.45	0.47	0.49	0.44	0.46	0.48		
	Pantai Timur Tawau, Kalabakan, Sandakan, Kinabatangan, Beluran, Tongod, Telupid, Semporna, Kunak, Lahad Datu	6.80	6.80	10.10	11.30	11.30	12.30	0.47	0.49	0.51	0.46	0.48	0.50	0.45	0.47	0.49		
WILAYAH PERSEKUTUAN LABUAN		7.20	7.50	10.10	11.30	11.30	12.30	0.47	0.49	0.51	0.46	0.48	0.50	0.45	0.47	0.49		

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampun sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

